



Publicaziuns dalla vischnaunca, jamna 03

Damondas da baghegiar

2023-1000.000

Datum dalla publicaziun: 20 da schaner 2023

Il patrun: Gabriella Lozza, Gassa da Cuoz 7, 7186 Segnas
Il representant: Gabriella Lozza, Gassa da Cuoz 7, 7186 Segnas
Intenziun: Construcziun d'ina preit da veider ella loggia
Edifeci nr. 317H-A
Parcella: 1220
Adressa: Gassa da Cuoz 7, 7186 Segnas
Zona: Zona da habitar 2 (H2)
Zona da prighel: Negina zona da prighel
Plan da quartier: Plan da quartier Cuoz

2023-1001.000

Datum dalla publicaziun: 20 da schaner 2023

Il patrun: Bergbahnen Disentis AG, Via Acletta 2, 7180 Disentis/Mustér
Il representant: ipz ingenieure + planer ag, Via Lucmagn 7, 7180 Disentis/Mustér
Intenziun: Correctura dalla pista
Parcella: 2541
Adressa: Muota da Gendusas
Zona: – Zona agricola
– Zona per il sport d'unviern
Zona da prighel: Territori buca intercuretg

2023-1002.000

Datum dalla publicaziun: 20 da schaner 2023

Il patrun: Uniun La Pendentia, Via Denterpraus 15, 7186 Segnas
Il representant: ipz ingenieure + planer ag, Via Lucmagn 7, 7180 Disentis/Mustér
Intenziun: Construcziun nova d'ina punt pendentia
Parcellas: 2829/2360
Adressa: Sontga Gada - Ragischs
Zona: – Zona agricola
– Zona d'uaul
– Zona per la protecziun dalla cuntrada
Zona da prighel: Negina

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 20 da schaner 2023

Uffeci da baghegiar Disentis/Mustér



Cussegl da vischnaunca

Abdicaziun e declaraziun d'elecziun

Cussegliaer Martino Sabbadini ha demissionau sco commember dil parlament communal sin la fin digl onn 2022.

A caschun dall'elecziun dil cussegl da vischnaunca dils 27 da settember 2020 ha Remo Huonder contonschiu las biaras vuschs dils candidats buca eligi. Sebasond sin art. 30 al. 1 dalla lescha communal davart ils dretgs politics e cun quei che Remo Huonder ei sedeclaraus prompts da daventar successur da Martino Sabbadini, ha la suprastanza communal declarau Remo Huonder per eligius sco niev commember dil cussegl da vischnaunca pils onns 2023 e 2024.

Nus engraziein a Martino Sabbadini per siu engaschi el cussegl da vischnaunca. Al niev cusseglier da vischnaunca Remo Huonder giavischein nus bia plascher e satisfacziun en sia impurtonta incarica.

Suprastanza communal

Cussegl da vischnaunca

Il cussegl da vischnaunca seraduna **venderdis, ils 27 da schaner 2023**, allas 2015 en halla Cons.

Tractandas:

1. Protocol 19-2021/2024
2. Saramentaziun dil niev cusseglier da vischnaunca
3. Construcziun d'in «Pumppark»: Damonda da credit (messadi 31-2021/2024)
4. Concept «augmentar l'attractivitat dil vitg» (messadi 32-2021/2024)
5. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

Giuventetgna s'entaupa culla suprastanza communal

La giuventetgna dalla vischnaunca da Mustér s'entaupa **sonda, ils 28 da schaner 2023** allas 17.00 cun la suprastanza communal en halla Cons. Ei dat ina discussiun davart la participaziun dalla giuventetgna en vischnaunca ed ina tscheina comunabla. A quella discussiun ein tut ils giuvenils denter 16 e 30 onns cordialmein envidai.

Annunzias prendin bugen encunter entochen mesjamna, ils 25 da schaner 2023 sut tcadruvi@disentis.ch ni 081 920 36 36.

Suprastanza communal



Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada	mardis, ils 24-1-2023
Temps	15.00–16.30
Liug	Casa da scola Segnas, local artgin, ella 1 alzada
Prender cun	marenda e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons
